



ასპინძის სახელობა

ასპინძის მუნიციპალიტეტი * ივლისი . 2019 * (5)52

გაიმართა საკონკურსო კომისიის სხდომა

10 ივნისს, ასპინძის მუნიციპალიტეტის მერიამ გაიმართა საკონკურსო კომისიის სხდომა „დაბა ასპინძაში კულტურისა და დასვენების პარკის რეაბილიტაცია და მერიის მიმდებარე ტერიტორიის კეთილმოწყობის სამუშაოების საპროექტო-სახარჯთაღრიცხვო დოკუმენტაციის კონკურსის საშუალებით

შესყიდვად“. აღნიშნულ საკონკურსო კომისიის სხდომაზე მოხდა გამოცხადებულ კონკურსში (CNT19000023) იმ „ბეჟან ვარდიძის“ მიერ წარმოდგენილი დაზუსტებული ტექნიკური დოკუმენტაციის საკონკურსო პირობებთან შესაბამისობის განხილვა.



აშშ-ის საელჩოს მხარდაჭერით გაიმართა



18 ივნისს ასპინძის კულტურისა და ხელოვნების ცენტრში, პროექტის – „დასავლური ინტეგრაციის პროცესის შესახებ ინფორმირებულობისა და ჩართულობის გაზრდა რეგიონებში“ – წარდგინება გაიმართა.

აღნიშნულ პროექტს საგარეო საქმეთა სამინისტროს დაქვემდებარე-

ბაში არსებულის სიპი-ი – „საინფორმაციო ცენტრი ნატოსა და ევროკავშირის შესახებ“ – ახორციელებს. პროექტის წარდგინებას ასპინძის ადგილობრივი თვითმმართველობის წარმომადგენლები ესწრებოდნენ. შეხვედრას – ნატოსა და ევროკავშირის თაობაზე, სამცხე-ჯავახეთის საინფორმაციო ცენტრის ბიუროს წარმომადგენელი თონა ზურაბაშვილი და საინფორმაციო ცენტრის მიერ მოწვეული ექსპერტი ირაკლი მენაღა-



მუნიციპალიტეტის საკრებულოში

13 ივნისს, ასპინძის საკრებულოს თავმჯდომარის მამუკა მელიქიძის ხელმძღვანელობით, მუნიციპალიტეტში საკრებულოს მორიგი სხდომა გაიმართა. საკრებულოს სხდომის ფარგლებში დეპუტატებმა დღის წესრიგით გათვალისწინებული შემდეგი საკითხები განიხილეს:

- 1). ასპინძის მუნიციპალიტეტის 2019 წლის ბიუჯეტში ცვლილების შეტანის შესახებ;
- 2). „ასპინძის მუნიციპალიტეტის მერიის საშტატო ნუსხა და თანამდებობრივი სარგოები“;
- 3). ასპინძის მუნიციპალიტეტის საკრებულოს 2017 წლის 27 ივნისის N13 დადგენილების დანართში შესატანი ცვლილების შესახებ;
- 4). ასპინძის მუნიციპალიტეტის საკუთრებაში არსებული ობიექტების ა(ა)იპ „ასპინძის მელიორაციისა და სასაქონლო წყლის ცენტრისათვის“ უსას-



ყიდლო უზურფუქტის ფორმით გადასაცემად, მერიისათვის თანხმობის მიცემის თაობაზე;

5). ასპინძის მუნიციპალიტეტის მერიის მიერ სახელმწიფო შესყიდვებზე გაფორმებული ხელშეკრულებების დამტკიცების შესახებ (N37-N79);

6). ქალაქთმშენებლობის დოკუმენტაციის დამტკიცების შესახებ.

დეპუტატებმა წარმოდგენილი საკითხი ხმათა უმრავლესობით დაამტკიცეს,

რიგარეშე სხდომა გაიმართა

28 ივნისს, ასპინძის საკრებულოს თავმჯდომარის მამუკა მელიქიძის ხელმძღვანელობით გაიმართა მუნიციპალიტეტის

საკრებულოს რიგარეშე სხდომა.

საკრებულოს სხდომის ფარგლებში დეპუტატებმა დღის წესრიგით გათვალისწინებული შემდეგი საკითხები განიხილეს;

1. ასპინძის მუნიციპალიტეტის 2019 წლის ბიუჯეტში ცვლილების შეტანის შესახებ;
2. ასპინძის მუნიციპალიტეტის საკუთრებაში არსებული უძრავი ქონების, არასამეწარმეო (არაკომერციული) იურიდიული პირისათვის „სოფლის მეურნეობის პროექტების მართვის სააგენტო წარმომადგენელი ასპინძის საინფორმაციო-საკონსულტაციო სამსახური“ გადაცემაზე თანხმობის მიცემის შესახებ;
3. ასპინძის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნაკვეთის

გადაცემაზე თანხმობის მიცემის შესახებ;

4. ასპინძის მუნიციპალიტეტის საკრებულოს 2019 წლის 17 აპრილს მიღებული ზოგადი პრაქტიკის დამტკიცების დასაფინანსებლად გამოცხადების შესახებ;

5. ასპინძის მუნიციპალიტეტის საკრებულოს „ასპინძის მუნიციპალიტეტის ტერიტორიაზე საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში დასაფინანსებელი პროექტების დამტკიცების თაობაზე“ 2019 წლის 27 თებერვლის N10/12 განკარგულების დანართში ცვლილების შეტანის თაობაზე.

დეპუტატებმა წარმოდგენილი საკითხები ხმათა უმრავლესობით დაამტკიცეს.

შეჯამდა გასული სასწავლო წელი

გასული წლის განმავლობაში საგანმანათლებლო რესურსცენტრის ჩართულობითა და ორგანიზებით მუნიციპალიტეტის სკოლები აქტიურად მონაწილეობდნენ განათლებისა და მეცნიერების სამინისტროს მიერ ინიცირებულ სხვადასხვა პროგრამებსა და კონკურსებში, ეროვნულ სასკოლო, სპორტულ და სპორტულ-შემეცნებით ოლიმპიადებში, მედიაპროექტ „ეტალონში“; რეგულარულ ხასიათს ატარებდა საჯარო სკოლების წარმომადგენლებთან შეხვედრები – კონსულტაციები კათედრებთან, პედაგოგებთან, დირექციების წარმომადგენლებთან; ასევე ეწყობოდა კონკურსებსა თუ პროგრამებში მონაწილეობის დაეგმვა, ტრენინგების ორგანიზება, ეროვნული სასწავლო გეგმის, დამწყებ მასწავლებელთათვის პროფესიული განვითარებისა და კარიერული წინსვლის სქემის სიახლეების გაცნობა, სხვადასხვა თვალსაჩინოების, ლიტერატურისა და მასალების გადაცემა...

გამორჩეული იყო რესურსცენტრში გამართული შეხვედრები თემაზე: „ერთი წარმატებული გამოცდილება“, სადაც 15 საჯარო სკოლის მასწავლებელმა წლის მანძილზე წარადგინა თითო წარმატებული პროექტი.

ცხადია, სკოლაში უდიდესი როლი მასწავლებელს ენიჭება. აქტიური, კრეატიული მასწავლებელი ყოველთვის ვითარდება და სტიმულს აძლევს კოლეგების წინსვლასაც. ამის დასტური იყო წარდგინებები – ზეინაბ ივანიძის (ანევიტის საჯარო სკოლა) „ისწავლე და ასწავლე“; – „როგორ გავხდი აქტიური მოქალაქე“; შორენა ხიზაძე – „ხელოვნების სახელოსნო“; რე-

ვაზ გვირგვინი (რუსთავის საჯარო სკოლა); „პროექტი, რომელმაც წარმატება მოგვიტანა“; ხათუნა მიქელაძე (ოშორის საჯარო სკოლა); „როგორ გავხდით საქართველოს ჩემპიონები“ – მამუკა ნადირაძე (ტოლომის საჯარო სკოლა); „მასწავლებლის პირადი წარმატება“ – ასმათ ხაზალაშვილი – ხიზაბაგის საჯარო სკოლა, მაყვალა ასპინძი – ნიეგორის საჯარო სკოლა; „ასე შევიყვარეთ კითხვა“ – მაია სუარიძე – დაბა ასპინძის საჯარო სკოლა; „სპორტი – ბარიერების გარეშე“ – მედგარ ჯვარიძე – ჭობარეთის საჯარო სკოლა, თემურ ბერიძე – ნაქალაქევის საჯარო სკოლა, თემურ ლონდარიძე – ხერთვისის საჯარო სკოლა; „სიყვარულია მთავარი“ – ნანა შავაძე – ივერიის საჯარო სკოლა; „სახელმწიფო ენის სწავლება არაქართულ სკოლაში“ – ნათია



ზედგინიძე-სოლოიანისა – დამალის საჯარო სკოლა; „პედაგოგიური პრაქტიკის კვლევა“ – ეთერ გაჩეჩილაძე – იდუმალის საჯარო სკოლა.

გასულ სასწავლო წელს სკოლებში ამოქმედდა დანაწილებითი საფეხურის ახალი ეროვნული სასწავლო გეგმა. ახალი სახელმძღვანელოები I-VI კლასების მოსწავლეებმა. 2019-2020 სასწავლო წლიდან დაინერგება შემდგომი საფეხურის ახალი ეროვნული სასწავლო გეგმაც.

სხვადასხვა პროექტი განხორციელდა სასკოლო აქტივობების ხელშეწყობის პროგრამის ფარგლებში ანევიტის, დამალის, რუსთავის, ტოლომის, მირაშხანის, ივერიის, დაბა ასპინძის, ოშორისა და ნაქალაქევის საჯარო სკოლებში.

წელს 137 კურსდამთავრებული გვეყავს. მათგან 15 – ოქროსა და ვერცხლის მედალოსნობის კანდიდატია ასპინძის, დამალის, ანევიტის, რუსთავის, ოშორის საჯარო სკოლებში; პროგრამა – „ჩემი პირველი კომპიუტერი“ 9 ბენეფიციარი ჰყავს ასპინძის, ტოლომის, ზელოს საჯარო სკოლებს.

ხიზაბაგის, რუსთავის, ასპინძის საჯარო სკოლების მოსწავლეები – ირაკლი მაზმიშვილი, მარიამ სანდროშვილი, ლინდა ლომიძე, დასასრული მ-2 მპ.

გამოსაშვები ღონისძიება გაიხარტა

ასპინძის მუნიციპალიტეტის სკოლამდელი აღზრდის N1 და N2 დაწესებულებაში გაიმართა გამოსაშვები ღონისძიება.

ჯგუფის – „ბზიკების“ აღსაზრდელები დამსწრე საზოგადოების წინაშე საინტერესო და მრავალფეროვანი სანახაობებით წარსდგნენ და, ამავე დროს, საქართველოს ყველა კუთხის ტრადიციული ცეკვები და სიმღერები შეასრულეს.



აღსაზრდელებს სწავლის ახალ საფეხურზე გადასვლა და წარმატებული გზა დაულოცეს ასპინძის მუნიციპალიტეტის მერის მოადგილემ ლევან ბერიძემ, სკოლამდელი აღზრდის დაწესებულებათა გაერთიანების დირექტორმა ელისო ბექაურმა და N2 ბაღის მენეჯერმა მაია სანდოძემ.

ღონისძიების დასასრულს პატარებს გადაეცათ საბავშვო ბაღის დამთავრების მომწმობები.

აღნიშნულ ღონისძიებას ესწრებოდა ასპინძის საკრებულოს მაჟორიტარი დეპუტატი დავით ფართლაძე.

პოეზიის საღამო

ასპინძაში არის ერთი მყუდრო ადგილი, სადაც მუდამ მომღიმარი თვალები, საინტერესო ნიგნებთან მოფუსფუსე, გულთბილი ქალბატონები, სიმშვიდე და სიყვარული გამასპინძლობთ. ადგილი, სადაც წლის კალენდარი ცოცხლობს და სუნთქავს, სადაც გამომხატურების გარეშე არ რჩება არც პოლიტიკური და არც საიუბილეო თარიღები, სადაც ძალდატანებისა და ყოველგვარი ზენოლის გარეშე ერთ დაძახილზე გარბიან ჩემი აღსაზრდელები.

ეს ასპინძის მთავარი ბიბლიოთეკაა, აქ ყველას უხარია სტუმრობა, განსაკუთრებით ასპინძის საჯარო სკოლის მოსწავლეებს, მათ აქ დიდი სითბოთი და სიყვარულით მოელის სანდომიანი სახის ენერგიული ქალბატონი ნუნუ ბუჩუკური, ნუნუ ბებო ახალ-ახალი ნიგნებით, საინტერესო ამბებით და პოეზიის დიდი სიყვარულით, იგი დაუღალავად უკითხავს, აკითხებს და

აი, დღესაც, შოთა ნიშნიანიძის და გიორგი გიგაურის იუბილეს გამოეხმაურნენ, პოეზიის საღამოზე გვიხმეს და დიდხანს რუდუნებით ისმოდა ბავშვების ათრთოლებული ხმა:

„მე ვარ მისანი, ხარი ნიქარა, შენი დვრიტა ვარ, მამულ-დედულო, ზღაპრიდან მისთვის გამოვიპარე რომ გემსახურო და გიერთგულო.“ (შოთა ნიშნიანიძე)

ან: „სიკვდილიც უნდა იცოცხლო, კაცობით დაუძრაველით, გინდა ხმლის ერთი მოქნევი, გინდა ერთი ლევისი სახელით.“ – ეს გიორგი გიგაურია.

დაიხ, სწორედ მამულის ერთგულებითა და მისთვის თავგანწირვისათვის ემზადებიან ეს პატარები, რომელმაც ლომის წილი თქვენ მიგიძღვით, ღირსეულო და ამავდრო ქალბატონებო, ასპინძის ბიბლიოთეკის თანამშრომლებო, რისთვისაც მინდა ჩვენი გაზეთის საშუალებით ერთგულ კოდექს დიდი მადლობა გადაგიხადოთ ჩემი და ჩემი სკოლის მოსწავლეების სახელით. გისურვოთ



ასწავლის. ცდილობს, მოზარდებს შეაყვაროს ქართული პოეზია, გაუღვივოს მამულის სიყვარული, შეაყვაროს ნიგნი, აზიაროს მშვენიერების აღქმას, გამოსტაცოს ქუჩას და დაინტერესოს კითხვით.

ენერგია, ხალისი, მკითხველთა სიმრავლე და შრომის ღირსეული დაფასება.

თინათინ წითლანაძე, ასპინძის საჯარო სკოლის პედაგოგი

მიმდინარეობს მრავალსართულიანი კორპუსების სარეაბილიტაციო სამუშაოები

რამდენიმე წელია თითქმის მთლიანად იცვალა იერ-სახე მუნიციპალიტეტის თითქმის ყველა დასახლებულმა პუნქტმა, განსაკუთრებით, დაბა ასპინძამ, სადაც არ დარჩენილა არცერთი ქუჩა, ჩიხი, ადმინისტრაციული თუ სახელმწიფო ობიექტების შემოგარენი, კულტურული დაწესებულება და სხვ., სადაც არ განხორციელდა ინფრასტრუქტურული პროექტები, უფრო მეტიც, შედარებით სხვა მუნიციპალიტეტებთან, ალბათ, ყველაზე მეტი პროექტი აქ განხორციელდა. ახლახან კი კიდევ ერთი მნიშვნელოვანი სასიკეთო ნაბიჯი გადაიდგა დაბაში არსებული მრავალსართულიანი კორპუსების სარეაბილიტაციოდ, რომელიც ცხრა ობიექტზე განხორციელდება. აღნიშნულ სამუშაოებს ასრულებს ტენდერში გამარჯვებული კომპანია – შპს „მშენებელი - 2004“.



სამშენებლო სამუშაოების სახელმეკრულებო ღირებულება შეადგენს 317 143 ლარს.

პროექტის ფარგლებში გათვალისწინებულია ოთხი კორპუსის სახურავისა და ფასადის, ხუთი კორპუსის სადარბაზოების კეთილმოწყობა (კედლების გალესვა-შეღებვა) და კარ-ფანჯრების შეცვლა.

მოსახლეობის ინტეგრაციის გათვალისწინებით

ასპინძის მუნიციპალიტეტში „სოფლის მხარდაჭერის პროგრამის“ ფარგლებში დაგეგმილი სამშენებლო სამუშაოები აქტიურად მიმდინარეობს.

ამჟამად აღნიშნულის ფარგლებში სოფელ მირაშხანში დაიწყო და მიმდინარეობს სასაფლაოს შემოღობვა. აღნიშნულ სამუშაოებს ასრულებს შპს „ზურაბ ქამადაძე“ და მისი სახელმეკრულებო თანხა შეადგენს 9168.85 ლარს.

სოფელ თმოგვში მიმდინარეობს ასევე სასაფლაოს შემოღობვა, რომელსაც შესაბამისად აწარმოებს შპს „ვერთა ყანა“ და მისი სახელმეკრულებო ღირებულება შეადგენს 17797.48 ლარს.

სოფელი ფიას მოსახლეობის თავშეყრის ადგილის რეაბილიტაციას აწარმოებს შპს „თამაზ მაისურაძე“ და მისი სახელმეკრულებო თანხა შეადგენს 16 438.47 ლარს.

„სოფლის მხარდაჭერის პროგრამის“ ფარგლებში მუნიციპალიტეტის სოფლებში განსახორციელებელი პროექტების შესარჩევად თითოეულ დასახლებულ პუნქტში საერთო კრებები ჩატარდა და მოსახლეობასთან კონსულტაციების შედეგად იქნა გამოვლინილი პრიორიტეტული მიმართულებები.

სახეაბილიტაციო სამუშაოები დაიწყო



აქტიურად დაიწყო და მიმდინარეობს ასპინძის მუნიციპალიტეტის სოფელ ნაქალაქევის საჯარო სკოლის მეორე კორპუსის (თმოგვის სკოლის) შენობის სახურავისა და ეზოში არსებული (საეზოვე) საპირფარეოს სარეაბილიტაციო სამუშაოები.

აღნიშნულ სამუშაოებს ასრულებს ტენდერში გამარჯვებული კომპანია შპს „ნუკია“.

სკოლის კორპუსის შენობის რეაბილიტაციის სახელმეკრულებო თანხა შეადგენს 48 999 ლარს, ხოლო საპირფარეოს რეაბილიტაციის – 17 186 ლარს.

აღნიშნული პროექტის ფარგლებში რეაბილიტაცია ჩატარდება აგრეთვე სკოლის ძირითად კორპუსის დამაკავშირებელი დერეფნისა და ძველი შენობის სახურავს. ასევე მიმდინარეობს სოფელ ტოლოში საბავშვო-ბაღის სარეაბილიტაციო სამუშაოები, რომელსაც ასრულებს შპს „გიკო“.

სამუშაოების სახელმეკრულებო თანხა შეადგენს 292 000 ლარს.



საგანმანათლებლო-შემეცნებითი ტური ასპინძაში

13 ივნისს, ასპინძის კულტურის ცენტრში პროექტი „Techno Bus“-ის წარმომადგენლები დავით ველიაშვილი და გიორგი მამულაშვილი ასპინძის N1 საჯარო სკოლის, თანამედროვე ტექნოლოგიებით დაინტერესებულ ახალგაზრდებს შეხვდნენ. პროექტი „Techno Bus“-ი წარმოადგენს საგანმანათლებლო-შემეცნებით ტურს, რომლის მიზანია ქვეყნის მასშტაბით, სხვადასხვა რეგიონში მცხოვრებ ახალგაზრდებს, ზოგადად საინფორმაციო ტექნოლოგიების, ასევე თანამედროვე სამყაროში ბიზნესის კეთების ახლებური მიდგომებისა და ტექნოლოგიების გამოყენებით იდეების რეალიზების შესახებ მიანოდოს ინფორმაცია.

პროექტი საქართველოს ინოვაციების და ტექნოლოგიების სააგენტო „GITA“-ს მხარდაჭერით ხორციელდება. საინფორმაციო შეხვედრას ორგანიზება ასპინძის მუნიციპალიტეტის მერიის კულტურის, განათლების, ძეგლთა დაცვის, სპორტის, ახალგაზრდულ საქმეთა და ტურიზმის განვითარების სამსახურმა გაუწია.

ღიღი მოწონებით უხვლან

20 ივნისს ასპინძის მუნიციპალიტეტის კულტურის ცენტრში ნოდარ დუმბაძის დრამა – „ძახილი“ ერთმოქმედებად დადგმული სპექტაკლის პრემიერა შედგა, რომლის

დამდგმელი რეჟისორია საქართველოს დამსახურებული არტისტი, ვერიკო ანჯაფარიძის სახელობის პრემიის ლაურეატი, ლია სულაშვილისა და იგი პატარა მსახიობების მიერ იქნა წარმოდგენილი.

ახალბედა მსახიობებმა აღნიშნულ სპექტაკლზე თავიანთი შესაძლებლობები საუკეთესოდ წარმოაჩინეს, რასაც დამსწრე საზოგადოების დიდი მოწონება და ოვაციები მოჰყვა.



წორგაზაფხული საუზაო პიროპაი ექნება

თითოეულმა ასპინძელმა კარგად იცის თუ როგორ პირობებში უხდებათ მუშაობა სსიპ საგანგებო სიტუაციების კოორდინაციისა და გადაუდებელი დახმარების ცენტრის ასპინძის სასწრაფო სამედიცინო დახმარების რაიონული სამსახურს, რომლის მატერიალურ-ტექნიკური ბაზა და სამუშაო პირობები სრულიად არ შეესაბამება თანამედროვე მოთხოვნებს, რისთვისაც მუნიციპალიტეტის მერიის დიდი მცდელობით მიღწეული იქნა, განხორციელებულიყო მუნიციპალურ ცენტრში მათთვის შესაფერისი ადმინისტრაციული ობიექტის მშენებლობა და სათანადო პირობების შექმნა.

აღნიშნულ სამშენებლო სამუშაოებს ასრულებს ტენდერში გამარჯვებული კომპანია შპს „კომპანია“ და მისი სახელმეკრულებო ღირებულება შეადგენს 238 299 ლარს.


ზვლის ზედინიკაზის გვარის ისტორია

(გაგრძ. დასაწყ. წინა ნომერში)

ჩვენი სოფლის ქართველი ახალგაზრდობა იძულებული გახდა, თავდაცვის მიზნით, ჟორდანისა ჯარში წასულიყო მოხალისეთ. ელვის სისწრაფით ვრცელდებოდა ახალი ამბები, მთელი ფოცხოვისა და აბასთუმის თათარი წამოსულიყო ახალციხეზე, რომელსაც შეუერთდა აწყვერისა და ურავლის ხეობების თათრობაც, მხოლოდ ორ სოფელში – ანდრიაწმინდასა და ხიზაბავრამში იდგა ქართველი და მთელი ეს ხუფანი ამ ორ სოფელზე წამოსულიყო. ხიზაბავრის ქარაფებთან ქართველებს ტყვიამარქვევებით იმდენი თათარი ჩაეხოცათ, იძახდნენ – სამიათასი თათრიდან სამასმა ძლივს გაასწროო. – მაკაევის ჯარი გაიქცა და ახალციხეში თათარი შევიდაო, მაკაევის ჯარი ანდრიაწმინდიდანაც გაიქცაო. მიუხედავად მათი გაქცევისა, ანდის ომი მინც გამართულიყო და ქართველებს აქაც გაუმარჯვიათ, საქართველოს იმდროინდელმა ხელისუფლებამ და ახალციხის ქართველმა მმართველებმა ისე მიატოვეს მესხეთის ქართველი მოსახლეობა, რომ არც კი გახსენებიათ მათ, რა შეიძლება მოსვლოდათ.

ზევლში ბევრი ახალგაზრდა ქართველი ვაჟკაცი ყოფილა და თათრები ერიდებოდნენ მათთან ბრძოლას, მაგრამ მოულოდნელად კოკოს ბეგებმა – აბაშიძეებმა აიყოფიეს თოკის ბეგები, ასევე აბაშიძეები, რომლებიც გაათავებულნი ქართველები იყვნენ და მოუგროვებიათ ბევრი თათარი და წამოსულან ზველზეო, დედაჩემის დედა – კატო ბებეი იძახდა, ზამთარი იყო, ძაან ციოდაო, დავინახეთ, დადემი გზივზე, ტყიდან გამოვიდა თათრების ჯარიო, ექვს წყებათ მოდიოდნენო, თავი ზველში რო შემოვიდა, ბოლო ტყიდან ახალთა გაწვიოდაო, ამ თათრებმა ჩვენ სოფელ ალყა შემოარტყესო და მერე ერთდროულად სოფელში შემოვივდნენო და დაიწყეს მოსახლეობის დანთქკვა-გლეჯვაო, მათ აირჩიეს ახალგაზრდა ქართველი ვაჟკაცებიო და სოფლიდან გაიყვანეს და მორევაში დაამწყრივესო, ასევე ერთი გოგო – ნინო ივანიძე, რომელმაც თათრების გაყოლას სიკვდილი არჩია, ამიოლო თავისი ძმის იარაღი და თავი მოიკლაო, თათრებმა მორევაში გაყვანილი ეს ვაჟკაციც კარაბინებით დახვრიტეს, აინტერესებდათ, ერთი ტყვია, რამდენს გაუვლისო. დედას ბიძაშვილი – მაიკო ზედინიძე მიყვებოდა, – როცა ბეგები წავიდნენ, სახლებიდან გამოვიდითო, რამდენიმე მოხუცმა ქალმა ნავიყვანაო, ორი მარხილითო, რომ გადმოგვეყვანა დახოცილი ვაჟკაცებითო. როცა მივივდით, დავინახეთ, რომ თოვლი სულ ნითელი იყო, ჩვენი ვაჟკაცები ერთმანეთზე თოკებით იყვნენ გადაბმულნი და ერთმანეთის მიყოლებით ყველას გულში ტყვია ჰქონდათ გავლილიო. ჯერ რიგში ჩაეყენებინათ და თოვლით უსროლიათ, ნახოთ რამდენს გაუვლის ტყვიაო და მერე ორითებით დაეჩხვლიტათ და მერე ხმლებით სულ დაეჭრათო, ზოგი ბიჭებისათვის ასოები მოეჭრათ და მათსავე პირში ჩადდითო. დახოცილები მარხილებით გადავიყვანეთ სოფლის სასაფლაოზე და ერთი საერთო საფლავი ქალებმა მთელი ღამის განმავლობაში ძლივს ამოვთხარეთ და ყველა ერთად დავემარეთო. ამ დროს ყველაზე მეტი ახალგაზრდა მოკლესო – 18 კაცი და ერთი ქალი. აღნიშნულ შემოსევისას აბაშიძეებს წინ აღუდგა ზველის თათრების მოლა და არ აძლევდა სამუალებას, რომ ქართველები სახლებიდან გამოეყვანათო და დაეხოცათო, მაგრამ აბაშიძეებმა ეს მოლაც მოკლეს და ერთი ზველელი თათარი – ასკერაი ზედ მიაყოლესო, ეს კაცი, ასკერაი, გლავივით სახლის კარებში ჩამდგარა და თათრებ არ უშვებდა შიგნით, ამათაც კარბანც ესროლეს და კარებთან მოკლესო, ამ თვრამეტი კაციდან ორი თათარი იყო, ერთი მოლა და მეორეც, თათარი ასკერაი. მთელი სოფელი ტყეში იმალებოდაო, იმ სიცივეშიო. ჟორდანის ხელისუფლება და ჯარი ისე გაქცეულა, რომ არც კი უფიქრა, ხალხს რა დაემართებოდაო. იმათ თავს უშველესო და ჩვენ ვერსად გავიქციეთო, გარშემო სულ თათრის სოფლები ყოფილა და ვერავის გაუღწევიაო. ამ დღეს ყველაზე მეტი ხალხი დახოცილა, მაგრამ, სხვადასხვა დროს, კიდევ დახოცეს ზველელები, მოკლეს გიგა ალექსის ძე ზედინიძე, რომელიც იყო რუსეთის ჯარების პოლკოვნიკი და ჩამოსულიყო სამშობლოში, ოჯახის მოსახალხებულადაც იგი თავისმა ნათლიამ გაყიდა და ოცდახუთი თათარი მოიყვანა და მოაკლევინაო, მთელი მესხეთში ყველაზე მეტი ხალხი თათრებმა ზველში დახოცეს და ყველაზე დიდი უბედურება ზველმა გადაიტანაო. ბეგების წასვლის მერე თურქეთის ჯარი შემოსულა და ახალციხეში ჩამდგარა. ასევე მათი ჯარის ნაწილიც ურაველში მდგარა. ამ ჯარის შემოსვლისთანავე, ახლა ადგილობრივი თათრები ზველის, ჭობარეთის, ხეთის, ურავლის, იენგიქევის, ჩორჩოს, ენთელის აგარის და ა.შ. თათარი შემოსულა, მოუგროვებიათ ზველისა და ჭობარეთის ქართველი მოსახლეობა და ზველის ეკლესიასთან არსებულ სკოლაში შეუყრიათ, მოუტანიათ შუშა და ფიჩხი, შემოუწყვიათ ნავითი სახსე ბიჭონები და გადაუწყვეტიათ ამ ხალხის ცოცხლად დანვა. ერთი ჭობარელი თათარი სასწრაფოთ გაქცეულა ურაველში და იქ მდგარ თურქეთის ჯარის უფროსისათვის მოუხსენებია ეს ამბავი, უფროსსაც თავისი ჩაუშები გამოუგზავნია და ქართველები გაუნთავისუფლებიათ და აღარ დაუწვიათ. ასეთი უბედურება გაგრძელდა ზველა ორი წელი. მერე ქართველი შემოსულა, ანუ ჟორდანისა ჯარი და ვითომ ქართველების დასაცავად ჩვენ სოფელში უდრიანები ჩაუყენებია, შვიდი კაცი. რომ იტყვიან, ვაის გავეყარე და უის შევეყარეო, თათრები არ გვეყოფოდო და ახლა ქართველებმა, ამ უდრიანებმა, დაიწყეს ჩვენი ძარცვა-გლეჯვაო. მამაჩემი ამბობდა, ქალაქში

ვიყავი წასულიო და როცა სოფელში მოვედი, პაპაშენმა მითხრა, გარეთ არ გახვიდე, ქართველმა ჯარისკაცებმა სოფელში ვინც ქართველი ახალგაზრდა იყო, დაიჭირეს და იორდანიინთ გერასიმეს სახლში შეყარესო, ითხოვენ ოქროსო, ნინააღმდეგ შემთხვევაში ყველას დაეხოცათო, მამაჩემი ამბობდა, მე ავიღე თოფი და მივედი იორდანიინთ სახლთანო. ივანიძე ილოს სახლის ბუხართან ჩავეჯექით და იორდანიინთ სახლ დაუწყე სროლაო, თოფის ხმის გავრეგებზე მაყვლივინთ ზედინიძე მოიო და მამამისი ალექსაიც ამოვიდნენ თოფებით, მამემველნენო და მაგათაც ჟორდანისა გვარდიელები დაუწყეს სროლაო, გვარდიელები მიემინდათ და დაგვიწყეს ხვეწნა, გავვიშვითო. ჩვენ ვთქვით, ისეც ბევრი ქართველი დაიხოცა და კიდევ ქართველები რო დახოცილიყვნენ, აღარ გვინდოდაო. უდრიანებს იარაღი წავართვით და გაუშვითო, ამის შემდეგ უდრიანები აღარ გამოჩენილან, ხოლო ხალხი, მაღლიერების გამო, ორი კვირის განმავლობაში, ყოველდღე, გვაქიფებდნენო. ამ ამბიდან რამდენიმე თვის გასვლის შემდეგ, გავიგეთო, რო ჟორდანისა ჯარი ისევე გაიქცა და თათარი შემოვიდაო, მაგრამ თათრებ აღარაფერი აღარ დასცალდათო და ნითელმა არმიამ



ზველის წმინდა გიორგის სახელობის ეკლესია

ჩვენი მხარე გაანთავისუფლა თათრებისგანო და ნელა-ნელა ყველაფერი დასრულდაო და მშვიდობა დამყარდაო. ძველ დროში უმცროს-უმფროსობა იყო და უმფროსებ და ასაკიან ადამიანებს დიდ პატივს სცემდნენო, მათზე შეკითხვის გარეშე ნაბიჯსაც არავინ გადასდგებდაო, ამიტომაც ერთ დღეს შეკრებულა ჩვენი სოფლის ქართველები და უხუცესებისათვის უთქვიათ, რომ თათრებმა ყველაზე მეტი ხალხი ჩვენ დაგვიხოცესო ყველაზე დიდი უბედურება ჩვენ მოგვადგაო, რაგორ შეიძლება თათრებისთვის ამის პატიებაო, აგერ ჩვენს მეზობელ სოფელში, შხედეთი, რა თებოა, – ჭობარეთის მოსახლეობამ დაიწყო შურისძიება და თათრებ ხოცავდნენო. მოხუცებს უთქვამთ, თათრებმა ჩვენს მიმართ იმეღა ცოდვა ჩაიდინეს, რომ მათ ჩვენ ვერ განვსჯითო, ღმერთმა უნდა განსჯოსო, სისხლი სისხლით არ დაიბანებაო და შურისძიება არ უნდა მოხდესო, ეს კიდევ უფრო დიდ უბედურებას გამოიწვევსო. მოხუცმა კაცებმა არ მისცეს შურისძიების უფლება ახალგაზრდებს, ამის გამო, განსხვავებით ჭობარეთისა, ზველში თათრების მიმართ შურისძიება არ მომხდარა და ამ მიზნით თათარი არ დაუხოციათ, თუ არ ჩავთვლით რამდენიმე გამოწკაპისას.

ცნობისათვის, ძირითადად სოფელ ჭობარეთის და, ნაწილობრივ, მუსხის ქართული მოსახლეობისაგან ჩამოყალიბდა შეიარაღებული ჯგუფები, რომელშიც გაერთიანებულნი იქნენ ყოფილი გვარდიელები და ნიკოლოზის ჯარისკაცები, რომელთაც, შურისძიების მიზნით, ძალიან ბევრი თათარი (თურქი-მესხი) დახოცეს.

ქვეყანა გასაბჭოვდა, მშვიდობა დამყარდა, ხალხმა შრომა დაიწყო და ფოლათის შექმნა, ნითელი არმიის შემოსვლიდან რამდენიმე წლის მერე, სოფელ ურაველში ჩატარებულა კომკავშირის კრება, სადაც მოუხსენებიათ, რომ უნდა დანეჭებოდაო კოლხობიზაცია, ყველაფერი საერთო იქნებოა, ჩვენი სოფლიდან რამდენიმე კაცი ყოფილა ამ კრებაზე და ამბავი უთავბოლოთ ამოიტანეს, ხალხი დაბანაკდა და ზველიდან 16 ახალგაზრდა კაცი თურქეთში გაიქცა, საიდანაც მერე საფრანგეთს გადავიდნენ, მამაჩემი იძახდა – ვეუბნეოდი, სად მიხვალთ, ცოლ-შვილი უჩაგვამათო, მაგრამ არავინ დამიჯერაო.

შემდეგ რამოყალიბდა კოლმურთობა, ხალხს მიწები და ქონება ჩამოართვეს, შესაბამისად მოსახლეობაც კოლმურთობაში გაანეწვიანეს, შემდეგ დაიწყო დიდი სამამულო ომი და გაიწვიეს ბევრი ახალგაზრდა, საიდანაც ნახევარი აღარ დაბრუნებულა, სამამულო ომის მიმდინარეობის პერიოდში

თათრებმა (თურქი-მესხები) მოსვენება დაკარგეს, ყოველდღე ელოდებოდნენ თურქების ჯარის შემოსვლას, იძახდნენ, რომ ცოტა ხანში ქართველებს აღსარული დადგებოა, მაგრამ მათი იმედები არ გამართლდა, მოულოდნელად, სტალინის ბრძანებით, თათრები შუა აზიაში გაასახლეს, ზველიდან გაასახლეს დევრიშიენი, ყოჩიენი, იმხანიენი, მჭედლიენი და სხვა აზიები, რომელთა სახელები ვეღარ ვიხსენებ.

ამის შემდეგ სოფელში ისეთი საინტერესო ამბავები აღარ მომხდარა, ომი დამთავრდა, მშვიდობა დამყარდა და საბჭოთა კავშირის დანგრევამდე მშვიდობა იყო, ხალხი შრომობდა, მუშაობდა, გამრავლდა მოსახლეობა, გააშენეს ახალი სახლები, მიწური სახლებიდან გამოვიდნენ და ცხოვრება მიდიოდა მშვიდად, სანამ საბჭოთა კავშირი არ დაინგრა და ახალი არეულობები არ დაიწყო.

სოფელ ზველში ცხოვრობენ, ზედინიძეები, დიასამიძეები, ივანიძეები და ინსარიძეები, ამჟამად ერთი ოჯახია ბერიძე, ერთი პაპაშვილი და ერთიც მამულიძე, ზველის ადმინისტრაციულ ტერიტორიაზე არის ნასოფლარები: ღობიეთი, ქორეთი, ჩამოჭერა, ჭიმურები, პატარა ზველი, გოგოთ უბანი, თეთრანყარო, ყური, ჭურა, სატიკნე, ფიქლური და ნითელი საყდრები, სადაც ერთ დროს თურქეთ-საქართველოს საზღვარი გადიოდა, მაგრამ ნითელმა არმიამ საზღვარი 100 კილომეტრით გადასწია თურქეთისაკენ და დღეს სადაც საზღვარი გადის იქამდე.

ნასოფლარი ყური მოხსენიებულია მოსახლეობაში გავრცელებულ ძველ ლექსში, რომელის მიხედვითაც ხშირი წვიმები ზველისათვის არ იყო კარგი:

რუსთავ გვირია აყვავდა.
ვაი მოუვა ზველსაო,
ყურთ წყაროები გამოვლენ.
ნეტარ ახაშენსაო.
რუსთავი სოფელია, ხოლო ახაშენი და ყური ნასოფლარები.

სოფელ ზველის ტერიტორიაზე ორი ნაეკლესიარია და ერთი ეკლესიაა წმინდა გიორგის სახელობის, რომელიც სოფლის ცენტრში დგას, ასევე ნაეკლესიარია ღობიეთში, ქორეთში, ღობიეთში მონასტერიც ყოფილა, მაგრამ დღეს ნანგრევებია შემორჩენილი, ნითელი საყდრებიც ნამონასტრალია, გრძელ ჭალის თავზეც ნაეკლესიარია.

სოფელ ზველში არსებული სახნავ-სათესი ყანების სახელებია: შუაგზიყვის ყანევი, მორევა, ჩარდალას ყანევი, მინაურევის ყანევი, გოხევის ყანევი, კიკოლიენთ ყანევი, ფარინარის ყანევი, დადემი გზიყვის ყანევი, ჭალი ყანევი, მათიენთ ყანევი, ჭიმურევი, საფლავების ყანევი.

ღობიეთში არსებული სახნავ-სათესის სახელწოდებებია: ჯირით მოედნის ყანევი, ჩამოჭერას ყანევი, ჩანგქელას ყანევი, კაცაურევი, მერევი, კახო ყანევი.

ბაღები გვაქვს ღობიეთისა და ქორეთის.

წყაროები: იალლი ფუარი-ერბოანი წყარო, ცხრაკენჭა, პეტრიქენთ წყარო, უანგირას წყარო, თეთრანყარო, სანხობე, ჩაურევის წყარო, კიკოლიენთ წყარო, ნევი წყარო, მონათლულები, კაცაურევის წყარო, ნინოწყაროები, ჭინკა ზაბიას წყარო, გაბრიელიენთ წყარო და აშ.

ამ ორიოდ წლის წინ ჩვენს სოფელში მოვიდა სამი კაცი და გაჩერდნენ ჩემს სახლთან ენ ბირუაზე, ერთმა სუფთა ქართულად მითხრა, რომ იგი იყო 1944 წელს ომორიდან გასახლებული თურქი-მესხი, ხოლო ორმა რუსულად მითხრეს, რომ არიან მამა-შვილი ზველიდან გასახლებული მჭედლიენთ შთამომავლები და აინტერესებდათ, თავიანთი სახლები, სადაც ცხოვრობდნენ, მე გავევი და ვაჩვენე, მათი ნამოსახლარი. უფროსმა თქვა, რომ ექვსი წლისა ვიყავიო, რომ ზველიდან გაგვასახლეს და ბევრი არაფერი მახსოვსო, შემდეგ გადავიდნენ სოფელ ჭობარეთში, მონახულეს ჯვარიც ამირანაი და ზედინიძე კაკოი, იქიდან ერთი ყორი წამოეყოლიებინათ და ხალხს გადასცეს, დაკალი-ნო. ეს ამბავი იმითმ მოვიყვანე, რომ სამივეს ისეთი აღნაგობა და სახის ფერი ჰქონდათ, რომ შეგშურდებოდა, ალბათ, ქართველი ადამიანი როგორც უნდა იყვეს, ზუსტად ასეთები უნდა ყოფილიყვნენ. წასვლისას, იმ კაცმა, რომელმაც თავი ომორელად გავაცნო, მითხრა, რომ თურქეთის ხელისუფლება ყველა ღონეს ხმარობს, რომ თურქი-მესხები მთლიანად თურქებად ჩამოყალიბდნენო, თურქეთში გვიწვევენ ათას ღონისძიებებშიო. აგერ უკვე ერთი კვირაა, რაც მესხეთში ვმოგზაურობთ და ერთ დასკვნამდე მივიღე, ადრე მეგონაო, რომ ქართული გვარები, რომლებიც პასპორტებში გვაქვს, გამოგვყვა საქართველოდან და ქართველებთან საერთო არაფერი გვაქვსო, მაგრამ ეხლა დავრწმუნდი, რომ თურქებთან საერთო არაფერი გვაქვსო, მაგრამ აქ ის სული დამხვდა და ის ხალხი დამხვდა, ვინც ჩემს სახლში და ჩემს ოჯახში მხვდებოდა, თურქებთან გული არასოდეს მიმდოდა და ახლა აღმოვაჩინე, რომ ჩვენი ხალხი ქართველია და ჩვენი სამშობლო საქართველოაო, მაგრამ, ვაი, რომ ძალიან გვიან არის და არაფერს აღარაფერი უშველებოა. შემდეგ მაჩვენა თავისი პასპორტი სადაც ეწერა სახელი და გვარი – ილიმან აბაშიძე. მან მითხრა, რომ მე თოკის ბეგების – აბაშიძეების შვილის შვილი ვარო, შემდეგ დაგვემშვიდობნენ და წავიდნენ, მივხვდი თავიდან რატომაც მითხრა ამ კაცმა, რომ ომორელი იყო.

მთხრობელი **ალეოზა ზედინიძე**,
ჩაინერა **გიორგი ჯვარიძე**
2016 წელს

შეჯამებ გასული სასწავლო წელი

დასაწყისი გვ 1.
მარიამ მაგრაქველიძე ეროვნულ ოლიმპიადებში, სხვადასხვა პროგრამებში თუ პროექტებში მიღწეული წარმატებისათვის გივარჯიანეთ საზაფხულო ბანაკებში, უახლოეს დღეებში კი ანაკლიისა და მანავის საზაფხულო ბანაკებში გაიგზავნება საჯარო სკოლების მოსწავლეთა ახალი ნაკადი.
რესურსცენტრის ყურადღების ცენტრშია დამწყებ მასწავლებელთა პროფესიული განვითარებისა და კარიერული წინსვლის საქმის ფარგლებში მათი შეფასების პროცესი. სისტემატური კავშირი გვაქვს მასწავლებელთა პროფესიული განვითარების ცენტრის კოორდინატორებთან. მიღებული რეკომენდაციების საფუძველზე სხვადასხვა საკითხებზე კონსულტაციებს ვუწვევთ საჯარო სკოლების შეფასების ჯგუფებს, პედაგოგებსა და ადმინისტრაციის წარმომადგენლებს.
ამჟამად აქტიურ რეჟიმში საქმიანობენ საჯარო სკოლების შეფასების ჯგუფები. სკოლების დირექტორების, ფასილიტატორებისა და მასწავლებლებისათვის გასული სასწავლო წელი დატვირთული იყო ტრენინგებითა და სხვა აქტივობებით, მათ შორის: ლიდერობის აკადემიის, VII-XII კლასების, ზუსტი

და საბუნებისმეტყველო მეცნიერებების, ინგლისურის და გეოგრაფიის მასწავლებლებისთვის დაგეგმილია ტრენინგები, რომლებიც მასწავლებელთა პროფესიულ განვითარებასა და კარიერულ წინსვლას ემსახურება.
განსაკუთრებული ყურადღება ექცევა მოსწავლეთა სასკოლო ტრანსპორტით მომსახურების პროგრამის ხელშეწყობას. ამჟამად მოქმედებს 14 მიმართულება და პროგრამაში ჩართულია 11 საჯარო სკოლა.
სამაგისტროს ინიციატივითა და ადგილობრივი მუნიციპალიტეტის ჩართულობით დაიგეგმა ინფრასტრუქტურული პროექტები, რომლებიც ითვალისწინებს ახალი სკოლის მშენებლობას ორგონოში, ნაქალაქევის საჯარო სკოლის მე-2 კორპუსში უკვე შეიცვალა სახურავი, ხოლო საპირფარეოები მოწყობა რუსთავის, ზველის, ომორის, ხიზაბავრის, დაბა ასპინძის, ტოლომის, დამბლის საჯარო სკოლებში, სამედიცინო კაბინეტი – ომორის სკოლაში, რეაბილიტაციის შედეგად გაზუვ გადავა ასპინძის საჯარო სკოლის ცენტრალური გათბობა, ახალი სასწავლო წლისთვის გაკეთდება შემაზე მოშვებულ ცენტრალური გათბობის სისტემა ივერიის სკოლაში.
ახლახან ყველა სკოლაში არ-

ჩეული იქნა სამეურვეო საჭიჭების ახალი შემადგენლობა, რომელთა მონაწილეობა, სასკოლო ცხოვრებაში, ვიმედოვნებთ, სასურველ შედეგს მოიტანს და უფრო ნაყოფიერს გახდის სკოლების საქმიანობას.
აქვე უნდა შევნიშნოთ, რომ განათლების სამინისტროს ახალი კანონმდებლობით 37-მა პრაქტიკოსმა პედაგოგმა მსარგებლა და ორ წელზე გათვლით თანამდებობრივი სარგოს ეთვალისწინებთ მიიღებენ ერთჯერად ფულად კომპენსაციას.
ტრისტან მურადაშვილი,
ასპინძის საგანმანათლებლო რესურსცენტრის უფროსი

რუქტურული პროექტები, რომლებიც ითვალისწინებს ახალი სკოლის მშენებლობას ორგონოში, ნაქალაქევის საჯარო სკოლის მე-2 კორპუსში უკვე შეიცვალა სახურავი, ხოლო საპირფარეოები მოწყობა რუსთავის, ზველის, ომორის, ხიზაბავრის, დაბა ასპინძის, ტოლომის, დამბლის საჯარო სკოლებში, სამედიცინო კაბინეტი – ომორის სკოლაში, რეაბილიტაციის შედეგად გაზუვ გადავა ასპინძის საჯარო სკოლის ცენტრალური გათბობა, ახალი სასწავლო წლისთვის გაკეთდება შემაზე მოშვებულ ცენტრალური გათბობის სისტემა ივერიის სკოლაში.
ახლახან ყველა სკოლაში არ-



ქველი ბაზინჯა,
ი.ნ. სოფლტაქნიკის ტერიტორია

ახალი წიგნები

ახლანან ასპინძის მთავარი ბიბლიოთეკის წიგნალი ფონდი შეიქმნა კიდევ რამდენიმე ახალი გამოცემით, მათ შორისაა:

თაყაიშვილი ე. – თხზულებანი, ტ. I, „არქეოლოგიური ექსპედიცია კოლა-ოლთისში და ჩარგალში. 1907 წელი“, თბ. გამომც. „არტანუჯი“, 2018 წ. – 388 გვ.

თაყაიშვილი ე. – თხზულებანი, ტ. II, „ქრისტიანული ძეგლები“, თბ. გამომც. „არტანუჯი“, 2018 წ. – 440 გვ.

თაყაიშვილი ე. – თხზულებანი, ტ. III, „არქეოლოგიური ექსპედიცია ლეჩხუმ-სვანეთში, 1910 წელი“, თბ. გამომც. „არტანუჯი“, 2017 წ. – 428 გვ.

თაყაიშვილი ე. – თხზულებანი, ტ. IV, „არქეოლოგიური მოგზაურობიდან სამეგრელოში, არქეოლოგიური მოგზაურობა რაჭაში 1919 და 1920 წწ.“, თბ. გამომც. „არტანუჯი“, 2017 წ. – 488 გვ.

თაყაიშვილი ე. – თხზულებანი, ტ. V. – „ზარზმის მონასტერი, მისი რესტავრაცია და ფრესკები“, თბ., გამომც. „არტანუჯი“, 2018 წ., – 484 გვ.

„უფლის აფთიაქი – სამკურნალო მცენარეები. მონასტრული რეცეპტები“, თბ. გამომც. „დიადემა“, 2019 წ. – 528 გვ.

საინფორმაციო მეთოდურ-ბიბლიოგრაფიული განყოფილება

სამუსიკო სკოლაში

19 ივნისს ასპინძის მუნიციპალიტეტის ვ. მალრადის სახელობის სამუსიკო სკოლაში ღია აკადემიური კონცერტი გაიმართა.

სკოლის მოსწავლეებმა სხვადასხვა ცნობილი კომპოზიტორების ნაწარმოებები და გუნდური სიმღერები შეასრულეს.

კონცერტის დასასრულს სამუსიკო სკოლამ სხვადასხვა კონკურსებში გამარჯვებული მოსწავლეები დააჯილდოვა სიგელებით.

აღნიშნულ ღონისძიებას ასპინძის მუნიციპალიტეტის მერი როსტომ მაგრაქველიძე, საკრებულოს თავმჯდომარე მამუკა მელიქიძე და ადგილობრივი თვითმმართველობის წარმომადგენლები ესწრებოდნენ.



სპორტი



მიმდინარე წლის 23- 28 ივნისს ქალაქ ოზურგეთში ჩატარდა 2018-2019 წლის სასკოლო სპორტული ოლიმპიადის ფინალური თამაშები, სადაც მონაწილეობდა საქართველოს ოლიმპიადის შარშანდელ გეზრბენში გამარჯვებული ასპინძის მუნიციპალიტეტის სოფელ ტოლოშის საჯარო სკოლის გოგონების გუნდი,

დიდი წარმატება მოიპოვეს

რომელიც შედიოდა მარიამ ნადირაძე, ქეთი გვარამაძე, ნაირი გვარამაძე, ნინო ქუჭიშვილი, ანი მელიქიძე, თამაზ ბერიძე, სპორტის მასწავლებელი მამუკა ნადირაძე.



გოგონებმა გუნდური მეორე ადგილი დაიკავეს. უნდა აღინიშნოს, რომ მათ შესანიშნავად ჩაატარეს ფინალური თამაშები, ამის დასტურია მარიამ ნადირაძის მიერ მოპოვებული საუკეთესო მორბენლის პრიზი. მან პირველმა გადაკვეთა ფინიშის ხაზი. ოლიმპიადაში მონაწილე გოგონებს გადაეცათ შესაბამისი ხარისხის სერტიფიკატები. რაც დიდი წარმატებაა მუნიციპალიტეტის სპორტულ ცხოვრებაში.

საქართველოს ბავშვთა და სასკოლო სპორტის ეროვნული ფედერაციის მიერ მაღლობის სიგელი გადაეცა ასპინძის მუნიციპალიტეტის მერისა და, სასკოლო სპორტულ ოლიმპიადაში აქტიური ჩართულობისათვის.

პაატა ქავთარაძე

ლიბერთის სკოლა

საქონლის გადაზარაება

კომუნისტურ ხანაში ასპინძის სამეურნეო მაღაზიაში მუშაობდა ყველა ასპინძელისათვის კარგად ცნობილი პიროვნება ნესტორ ოქროაძე.

სხვა სამუშაოზე გადასვლასთან დაკავშირებით, ნესტორმა, დაიწყო საქონლის გადაზარაების პროცესი, რომელმაც კარგა ხანს გასტანა. იგი თითოეულ საქონელს ცალობით აბარებდა თავის შემცველს. ჯერი მიდგა ფოტოქალაქებზე, რომელიც დალუქულ, შავ, სპეციალურ პაკეტში იყო შეფუთული (სინათლიდან დაცული რომ ყოფილიყო).

ნესტორმა ვერ დაარწმუნა თავისი შემცველი, რომ პაკეტებში ჩადებული იყო ოცოცი ფოტოქალაქი და მისი გახსნით ისინი გამოუსადეგარი გახდებოდა. მაგრამ ახსნა-განმარტებებმა არ გასჭრა და, ბოლოს, რომ ვეღარ დაარწმუნა იგი, იძულებული გახდა თითოეული მათგანი ცალ-ცალკე გაეხსნა და... ამით გადაზარაებაც დაამთავრა.

თსოვნა შეუსრულეს

ასპინძაში, ერთ-ერთ მრავალსართულიანი კორპუსის მშენებლობაზე, დასაქმებული იყო ადგილობრივი მკვიდრი, სოფელ ტოლოში მცხოვრები ნოდარ ნადირაძე. იგი უპრეტენზიოდ ასრულებდა მასზე დაკისრებულ ყოველგვარ სამუშაოს.

ერთ დღესაც, უსაფრთხოების წესების დარღვევის გამო (ჩამოიშალა გაუმართავი ხარაჩო), მეოთხე სართულიდან გადმოვარდა. საბედნიეროდ, „დამინება“ ისე მოხდა, რომ ცოცხალი გადარჩა და, რადგან საავადმყოფო იქვე იყო, თავისი ფეხით მივიდა სასწრაფო სამედიცინო დახმარების აღმოჩენისათვის.

ამ ფაქტის გამო საგანგაშო მდგომარეობა შეიქმნა სამშენებლო ტრესტში, სასწრაფოდ ადგილზე მოინახულეს ნოდარი და ყოველგვარ დახმარებას დაპირდნენ. ნოდარის პრეტენზია არც არაფერზე გამოუთქვამს, თუმცა მხოლოდ ერთი რამ თხოვა მათ: ხარაჩოდან გადმოვარდნისას ჯიბეში ჯაყვა დანა და სიგარეტი („პრიმა“), მქონდა და იქნებ როგორმე მომიძებნოთ და მომიტანოთ.

„დიდი თხოვნა“ უმალ შეუსრულეს ნოდარის.

ფოტოგრაფთან

ასაკში შესულ ბევრ ასპინძელს დღესაც კარგად ახსოვს სანდრო თამაზაშვილი, გამორჩეული თავისი ენაკვიმატობით, გამჭრიახი გონებითა და თავისი დიდი იუმორით. საბჭოთა პერიოდში ყოველთვის იმართებოდა დაბაში (როგორც მთელ საბჭოეთში) საპირველმისო, საცხრაბისო, 25 თებერვლისათვის და 7 ნოემბრისათვის მიძღვნილი დემონსტრაციები. სამახსოვროდ კი ზოგიერთები თუ ახერხებდნენ სურათების გადაღებას, რადგან ზეიმების დროს რაიონში კარგად ცნობილი ფოტოგრაფი აბრამა (ეროვნებით ებრაელი), სურათებს უღებდა ისეთ პიროვნებებს, ვისგანაც დაზღვეული იყო, რომ ბევრ სურათს გაუსაღებდა. სანდრომ მოინდომა სურათების გადაღება, მაგრამ აბრამა, რატომღაც, თავს იკავებდა. სანდროს საზოგადოებაში „თავი რომ გამოეჩინა“, აბრამას ჩუმად თხოვა: „აბრამ, აბრამი რამდენჯერმე ჩააჩაკუნე და შენი სურათები სულ არ მჭირდებაო!“

აბრამამ სანდროს უყოყმანოდ შეუსრულა თხოვნა.

ლიმითრი მაღრაძე

ღვინომ თქვა

მართლა მომლენი ვინც არის გამოიყენებს კარგად, ვინც არა, მომლენის ნაცვლად ჭკუა-გონებას კარგავსო.

ვინც შემსვამს, თავის დონეზე, არ უღალატებს ადათსო, არც სიტყვა-პასუხს შეიძლის, არც სუფრის წესს და ლაზათსო.

ზოგი ხალისსაც მიკარგავს, თავად კი კარგავს სახესო, მერე კი მე დამაბრალებს, – მე რა ვუშველი ასეთსო!

მარინა კუზლაშვილი,
დ.ასპინძა

ინფორმაციები მოგვანოდა ასპინძის მერიის ადმინისტრაციული სამსახურის საორგანიზაციო განყოფილების უფროსმა ეკა კალაიჯიშვილმა

რედაქოლეგია